





*Poex: 1246*




2530



1869 11. 387

























Frid. Zamell  
**FAMILIÆ MONUMENTUM**  
ad Liberos.

ELBINGÆ  
Typis BODENHAUSINIS  
anno M. DC. XLV.



## Lectori S

**B**oni parentis, amice Lector, munere  
Fungi volumus: & quod alibi diximus  
Et hoc libello sparsim, id omne intelliges  
Pietate, Diligentiâ, Modestiâ,  
Atq; aureâ constare Parcimoniâ.  
Quæ si bona bonis liberis reliquero;  
Est, quod pater itidem beatus perhibear.

ELRINGE  
Typis BODENHANSIIS  
anno M. DC. XLV.



Ad Gotofredum, Carolo Theodoricum  
& Fridericum, filios dilectissimos.



Actenus id operam dedi, mea proles,  
ut viros qvi generis nobilitati litera-  
rum præstantiam conjunxissent,  
omni officio ac cultu antè proseque-  
rer, quàm Vos hujusmodi oblato  
munusculo disertè compellarem.  
Factum hoc oportuit Vestrà causâ:  
ut si quando fato meo functus essem, erga Vos benivo-  
lentiam haberent illi meâ causâ. Tum qvi ingenii  
famæq; meæ monumenta ævo rebusq; ex aliorum ju-  
dicio digna conservarent, Vos deniq; estis. Nec aliò  
spectabat aut majorum meorum edita series, aut vitæ  
meæ civium non insulsis probata ratio. De eâ, uti sunt,  
qvi etiam obliterando progenitorum memoriam me-  
ritò gratiam nullam à posteris ineunt, quòd ingrati in  
illos fuissent; ita Vos liberaliter eductos gentis Vestræ  
recensum gratissimi muneris loco habituros pio erga  
manes meos adfectu etiam ad posteros transituro, ju-  
cundissimè præsentio. Quod ad alterum. Nec studia,  
nec hærentes gestosq; in Rep. honores ambitiosè effe-  
ro, Urbis meæ calculo contentus: quæ cunas vidit, mo-  
destiam prospexit, decorè latentem provexit. Nota  
sunt, & mitto, animi Vestræq; voluptatis gratiâ vene-  
rabile



rabile illud silvarum silentium ingressurus. Quod  
nullo non encomio in Voidianâ Lauru cùm profecutus  
essem, nec delicatæ mentes deerant, attonitæ scilicet  
novitate rei: qvi aut subito & quidem felicissimè mu-  
tasse statum suum Poësin existimarent, aut me *ὁπερ βα-  
λόντα* vanitatis tandem arguerent adhuc stupore palli-  
di. Eo in circulo qvia fabas ejusdem notæ cumulâ-  
rant nec minùs vultuosi aliquot, qvi Pliniano quo-  
dam morfu veluti Sophoclis cothurnum, Heliadum  
imò guttæ ergò correptum, intè natales ac publica  
munia cum ludibrio differrent; necessariò illis respon-  
dendum duxi, suggerente etiam deo, cujus hæc sunt  
mysteria. Proinde heus Tu, quisquis es in illis Arist-  
archis, an ignoras fulgurantem hanc braçteam non-  
modò Oratorum optimos locupletasse, sed etiam à  
non valde paucis, qvi temporum rationes nobis colli-  
gunt, inter veritatis præsidia adhiberi? Quid Poëtâ  
facies? qvi simul scopi simul præmii certus virtutem  
vel suâ specie vel sub involucro auribus animisq; audi-  
entium inserit. Sic ars in lusum abiit, quo ægra  
corda mortalium nunc eriguntur, nunc ad parem car-  
minibus celebratæ gloriam impelluntur, nullâ cujus-  
quam recti noxâ. Pueri animis relaxati faciem obnu-  
bunt, & res in quibus sunt; digressi velum abjiciunt,  
rebus nihil detrahunt. Eundem modum Poëtæ lu-  
dimus: & quidni Te ipsum? Etenim cùm Tu homo  
munis



munis meq; bonosq; præterea alios nondum pedum-  
officio defunctos sæpe portes traducasq;, quò nesci-  
mus; quis tam stipes aut iniquus, qui paria facere re-  
cuset? Patere, ut reponam: ac poenè decas annorum  
est, cùm in Gemmis Drusidos meæ ita cecini:

*Vt colerem meritos, & quos meruisse negares;*

*Hoc Patria, Lector candide, fecit amor.*

*Cur non & patrias celebrent mea carmina gemmas?*

*Sæpe decem præstet gemma vel una viris.*

Ab hac spicâ universam messlem puta: & nisi adeo he-  
bes es, aciem saltem per majoris exercitûs manipu-  
lum aliquem circumfer: videbis, quid veræ virtuti de-  
derim, quid in apparente inq; contaminatis damna-  
verim. Sed veritatem absq; cortice insuper exigis?  
Omnium seculorum memoriam consule: Vatum hic  
æternus mos est, quo utimur. Verùm scopuli, inquis,  
& lamæ: imò quas Tibi non detergam: nec, si adhuc  
de fide dictorum ambigis & instas, quicquam moræ  
quin illud audias: Apage Tu, quem Tui cum simi-  
libus in juventute nosse occæpi, in senectute judicare  
possum. Sed enim Vos meum genus, ne credite:  
me idèò hos Novensilium colles cœlo æquasse, ut Vos  
in eorum tramites violenter perductum eam. Mi-  
nimè, minimè: nihil de assensu svadeo, nec persuasum  
volo, si aut Natura repugnat, aut dotes vestræ aliæ exce-  
dunt.



dunt. Nullius Metii Pomposiani heic genesin, sed Lucilii alicujus aut Archiæ requiro: non ad astrorum iudicia, sed æmuli ardoris indicia. Explicanda erant ista, noster sanguis, cùm ex mei ingenii motibus de Vobis arbitrentur alii, ac tantùm non pronuncient, haut versi in eorum contemplationem, à quibus ipsi hanc lucem hausimus. Quos quoties animi oculis intueor, discessionem fecisse video, atq; adeo divisum esse mecum familiæ operas, Musarum castris mihi assignatis; agro, armis, omniq; rigidiore exercitio sibi relictis. Attamen si inest ea indoles, si aderit eadem facultas; pari lubentiâ me sequimini, sed uti à gravioribus in gratum etiam heroibus otium. Quod tale est, ut proficiendi amore animum semel illectum ad ludicra ægre dimittat. Etiam hæ vacationes studiorum nomine veniunt, & sunt: quibus fastigium, si non imposui; tamen conor, nec assequor. Cæterum quæ negotii sunt momenta, de quibus aliquot lineis in hoc spatio instruam, ea curatissimè haberi jubeo. Nec æqvior rerum erit temporumq; vicissitudo, quàm quæ ab his occupationibus in illas est animi ferias. Quæ cùm subinde meditarer, quòd benignissimæ Naturæ Fatiq; ductu in oportuno ad utrumq; bivio constitutus essem, atq; eqvidem stimulante, ut in hoc illudq; diverterem, potentissimorum in terris Numinum amore; non tam Charisiis permultos, quàm Cha-



Charitum amœnitatibus volui Te GOTOFREDE XV,  
Te CAROLO THEODORICE IX annis adultiores  
FRIDERICO fratre: quem annicula ætas inter sua cre-  
pundia habet, Vestrâ nunc manu sæpe nitentem, Ve-  
strâ olim sublevandum. Nimis serò jam in morte gal-  
lum Æsculapio Socrates: sed ludebat ille, aliterq; in-  
terpretabatur de sanitate suâ. Vos seriò cavete, ne  
flore juventutis per inertiam amisso virile robur solli-  
citetis de quondam neglectis. Si tamen, etiam hæc  
poenitentia melior, quàm spes abrupta. Promptius  
attendite, mei liberi, Vestras utilitates impensius ad-  
monendi. Totâ mente, inquam, omniq; curâ virtu-  
tem amplexi præstate; ut non minùs honesta sit, quàm  
fructuosa Vestra institutio: atq; ut Resp. amet, fru-  
gem bonam ostendite ætate maturrimâ, structores imi-  
tando: qvî ut in vigore apponant, abjecto ministerio  
gulæ irritamenta accelerant. At hæc sola ratio est,  
qvâ ingenii studiis humano generi maximè profuturis  
à primo annorum decore imbuimur: his imbuti in-  
consentaneas functiones imus. Verè fatum est: *Non  
alios profecisse, quàm qui in optimis vitæ disciplinis se  
collocassent.* Vos viam, inarando huic pectoris Vestri  
veluti rusculo, ingressi estis: eam ut ritè ac cautè infi-  
statis, operæpretium est satagere. Ego meas mihi par-  
tes vendico: in iis, ut sulco jam impresso nusquam  
deliretis, advertam providus herus, idem sollicitus pa-  
ter



ter. Hunc adfectum non exuam, nec studium depōnam, donec his rebus superero. Vestrum est, meæ deliciæ, patris spem inter ardentia vota conceptam implere, vel ejus nihil de Vobis temere consulentis fiducia. Id à Vobis nimirum obnixè (discetis hunc amorem) & iterò eam vocem, obnixè contendo; ut, cùm inter hæc dubia indubium fatum ita feret, haut tam cūpressos tumulo meo quàm lilia detis: quò non solum de hujus animi post mortalitatem statu, sed de Vestrà etiam incolumitate rectè sperasse videar. Decipiant, nec exsecrerer, nisi everterent, qui inter lubrica viarum nec commeatu provisò cœli arcana Vobis aperiunt: salebris uliginosisq; impeditos ad speculanda marium profunda invitant. Quippe ita habent progressus nostri, ut à paullum remotis prorsus eatur; nec altiùs promoveat humana industria, nisi iis gradibus, quos semel posuere in quovis doctrinæ genere experientissimi. De lingvis hac in parte inculco, non hodie natis, aut barbarorum commercio confusis; sed illis hominum cultui, gentium suarum merito, destinatis. Quarum gloria ac necessitas tamta est; ut literarum, quas colimus, magnis Reparatoribus facilè subscribam: *Et mundi universi opibus contrà cariores esse; nec ullam eruditionem consummari, mancamq; esse, quæ hac manu destituta sit.* Porro si usus erit, mea soboles, ut instabili fortunæ vultum submittatis, nequaquam eadem in-



inferiores nec animum demittite. Quapropter nec  
in Vestros cursûs de ejus nutu supercilioq; meticolosâ  
superstitione servate. Aleatorum est, hoc aut aliud  
muliebre Numen voto adhæsere nuncupato ambire, ut  
damnosi Canis jactû effugiant. Probos suos conatus raro  
fefellit: iisdem laudabilis ambitus indefessusq; labor  
æternâ firmitate numquâ non profuit. Sed cû omnem  
liberalem scientiam artemq; optima rerum pax nu-  
triat, hanc à summo Cœli Imperiorumq; Moderatore  
Deo constantem orabitis. Nam qvalis nunc est, veluti  
lacinijs suis per annos numero certos abrumpitur, hei  
quàm paucos! nisi spes est in Augustis verissimisq; Patriæ  
Luminibus. Quorum luce si solida illa affulserit, erunt  
lætissima tempora Vestra: & à Vobis gratiæ, quam tæ  
possunt maximæ, exsolvendæ iis rerum Rectoribus.  
Sanè cû procellæ, quæ his littoribus ab Arcto incum-  
bebant, sedatæ essent à felicissimo Regum, qui Thra-  
cas suo Marte frementes, Moschos cœlo suo confisos  
nostro bono antè conpescuerat; quot prosperitates  
unû pectus reconderet, singulariter intelleximus. Nec  
aliud tam salutari dextrâ è Patriæ discrimine assertis  
devotionis argumentum erat, quàm perpetuus divûm  
cultus, qui servassent, & stirpis quæ *Servatorum* esset.  
Vos qui inter armorum strepitus tubarumq; clangores  
nati pacis duntaxat commoda sensistis, per qvalia pa-  
trû sacramenta temporû adoreæ sitis transcripti, è no-



bis gratulabundi cognoscite. Fides, pietasq; & decora  
mea mecum morientur, nisi eorum existimationem  
sustinueritis, famæ & mihi pariter & Vobis in longum  
repositæ consulturi. Ut verò in memoriam adeo me-  
morandæ rei sæpe redeatis, ac quæ desiderantur adhuc  
vota, ea nonnullo mnemofyno excitentur; hoc *Fami-  
lia nostræ monumentum* accipite, libellum Vobis sa-  
crum. In quo nihil de me majoribusq; meis affirmavi,  
nihil de studijs Vestris dedicavi; nihil in fortunam  
strinxi, aut in stolidis demum improbisq; perstrinxi,  
quod Vestræ cautioni esse noluerim. De Pietate uni-  
cè præcepi ac præcipio, primâ Sapientum lege. Sine  
quâ omnes Vestri actus aut nulli erunt, aut fucò dete-  
cto irriti. Nec ego tam de penu vestro laboro, quàm  
de vitæ certitudine: quæ justis hac exeuntibus inter  
Superos erit, illorum sponfione. Alii aliis domûs suæ  
fruantur honoribus: Vos ab his veluti primordiis no-  
stri generis, cui aliquam dignitatem adrogavere pau-  
ca nomina, virtute duce in majora ite, mea gens. Da-  
bam Elbingæ anno ult. temp. M. DC. XLIV. Re-  
gio Reiq; publ. nostræ Præside Israël. Isr. E. Hoppio,  
X. Cal. Ianuar. ipso natali die FRIDERICI Vestrum  
minimi, filii Illius lustrici.

*Pater Vester*  
*Frid. Zamelins.*



Ad Sereniss: ac Potentiss: Poloniæ  
ac Sveciæ Regem VLADISLAUM IV.

**T**antus honor pacis Te, Vladislæ, sub uno est.  
Illius ut placidum rura loquantur opus.  
Imperii sunt ista Tui. Nam cœtera mundi,  
Quodq; Tuum non est, Martius horror habet.  
Qui venit, inq; ipso Tua limine Regna tuetur;  
Hac, inquit, certè rura Polonus arat.

De Eodem.

**B**ella gerunt in se temeraria pace Britanni:  
Collisosq; vident ultima regna Gothos.  
Excubat in rigidis omnis Germania castris:  
Threiciasq; timet Sævus & Ister opes.  
Quanta fides Superum est! dum Rex pietate meretur,  
Exerget patrios Sarmata tutus agros.

Ad cives suos.

**D**isce meus Civis, de quo Tibi caverit olim  
Rex Tuus: in Thracum trux genus arma tulit.  
In Moschos ivit. Procul omnia finibus egit.  
Res erat, ut populis parceret ille suis.  
Collige de Svecis è Regno pace remotis.  
Hanc dedit, atq; moras rupit amore Tui.

Ad liberos.

**I**ncidimus, nati, Sanctorum in tempora Regum.  
Non satis est Iustos dicere, sive Pios.  
Quo præstant gemino, nomen concessit in unum.  
Nec nobis satis hoc, nec satis illud erat.  
Servati pietate sumus, cum bella quierant.  
Nunc patrio nostras jure tuentur opes.



Cum stent tam solido res nostra robore, constat  
In terris genitos non minus esse deos.

### Ad Eosdem.

**A**ccipe, quam primam Tibi, gens mea parvula, legem.  
Non ego sed Superum svadeat ipse pater.  
Numinis aeterni timor & veneratio Regis  
Vim prima & summam, stirps mea, legis habent.  
Vt scirent homines, quâ Reges sede locasset;  
Se jubet ac deinceps Regia corda coli.

### Ad Gotofredum F.

**T**res Tibi commendo, natorum maxime, linguae  
Hasq; volo curâ fratribus esse Tuis.  
Discite Sarmaticas cum Graeco idiomate voces:  
Et Latini manent ora diserta sonis.  
Artibus hoc satis est doctis, satis usibus ipsis.  
Nec veto, si referat vox homoglotta Syrum.

### In Pappium versificatorem ineptum.

**F**agina cum Tua sint nulloq; sedilia cultu.  
Et pateat septem tota diata pedes;  
Vei molli conviva Tuus discumbit in ostro.  
Ac veniunt structis pallia digna thoris?  
Condita quæ Fabio sub Consule Massica promis.  
Perq; omnes volitant Murrhina vasa manus?  
Tracta quoq; in multam memoras convivia no stem;  
Et poscit solæ turba abitura domum.  
Quâ nuge, Pappi? numquam mera dicta bibisti,  
Nec sumta est humeris synthesis ista Tuis.  
Tecum nec civis cœnat, nec dissitus hospes.  
Bictus ad hos lectos credo Metellus abibit.



De soleis adeo res est incerta repostis ;  
Sæpe ut , quam poscas , sit Tibi nulla domi.

## De prandio Godii.

**V**ir bonus est Godius : de solâ ludimus offâ.  
Detractum famæ nil putet esse suâ.

Sic ego cum magnis sum sæpe jocus amicis :

Sic ego nunc Tecum nugor , amice Godi.

Illius accessi convivæ rogatus ad ædes :

Constabant acidis prandia tota cibis.

Brassica fermento brumæ servatâ per imbres ,

Et simul à fumo durâ suilla data est ,

Innabat raphani silvestris bubula succo ,

Atq; à corrupto venit ovilla mero.

Omnia dispuleris misso fastidia potu :

Talia verba mihi scilicet ipse dabam.

**A** Rheno nomen , sed quod dixisset acetum ,

Quicumq; in Latio vina Falerna bibit.

Sæpe mihi Godius : Contractam exporrigere frontem.

Respondi : hæc aliquid tempora nobis habent.

Instat , quid Catharæ parvisq; Quiritibus esset ?

Horum , inquam , nostro pocula felle carent.

Tum Godius : degunt atas ignara malorum :

Et nos non aliam viximus ambrosiam.

## In Senectutem.

**D**ura Senectus ! ô genetrice & alumna dolorum ,

Et non pro votis otia nacta Tuis !

Et quorsum resides , si nec Tibi sessio prodest ?

Et stomacho langves , & perit omnium amor.

## In Juventutem.

Vana



**V**ana juventus! ô stolidi matricula luxilis,  
Et non pro rebus vota secuta Tuis!  
Et quorsum graderis, si Te spectacula perdunt?  
Improba dum pascis lumina, Te perimis.

### De Aulo & fratribus.

**I**gnem quem cœli est furatus ab arce Prometheus,  
Ablatum geminis fratribus Aulus habet.

### Ad Candidum.

**I**nter Grammaticas pereunt mea tempora nugas.  
Pancq̃ non aliam cudo recudo fabulam.  
Nunc Rami decreta placent, nunc scita Micylli:  
Hic secat in partes quatuor, ille duas.  
Alvaro sunt qui præeunte recentia forment  
Pectora, non aliud quærere iussa vadum.  
Quid dicam? hos cœpto decurrere tramite vidi.  
Staret ut ambiguo cœtera turba pede.  
Omnia sunt potiora vagis. Si spina rudis, si  
Cesspes iners superest; hunc suus ignis edet.  
Plusquam Grammaticæ fulgebit luce magister  
Tullius, & Latii Comicus Afer horos.  
Quid statuam, quæris: dico nihil esse novandum.  
In ludo novitas, Candide, nulla proba est.

### Ad liberos.

**N**atalis meus est. Vos illum optate, puelli,  
Venturosq̃ dies nubis habere parum.  
Non omnes, mea turba, Notos, non deprecor horam.  
Quæ letam turbet parte minore diem.  
Plurima de nostris, quæ mensam hanc Vosq̃ coronant,  
Ut visum, irato di tribuere polo.

Tripes



## Tripes.

**E**Xili gemino, grandi qui tertius esset,  
Venit inæqualis sub mea tecta tripes.  
Quærebam: astuto dixit ferrarius ore:  
Ad Pruteniacum factus hic est tripodem.

## Ad Aulum.

**A**ule, tace: nihil est ullo sub pectore tutum.  
Si quid servari vis bene, conde Tuo.  
Secretò dixi per sacramenta rogatis,  
Quæ retulit toti pica loquax populo.

## In Venerem.

**S**ulta Venus thalamo postquam consensit Amoris,  
Et Psyche est isto fœdere facta nurus;  
Quid Venerem colimus, quos sauciat ille Cupido?  
Este sacris juvenes his procul, este senes.  
Vrimur in teneris promiscua turba puellis.  
Aut avia aut anus est, quæ socrus esse potest.

## In Claram.

**P**arva quidem; at tumida es. Ranam Te diximus olim.  
At quæ nunc fama est, plus tibi Clara dedit.  
Audio (quis taceat?) cum sis ut muscula vilis,  
Te bene pulsato condere jura viro.  
Quis risum teneat? par vir Tuus Hectoris esset.  
Pelides illi Tu nisi, Clara, fores.

## In quemdam.

**S**æpe quòd uxorem populo spectante remulces,  
Osculag; alternè figitis; hoc nimium est.  
Sæpe quòd uxori populo spectante minaris,  
Probraq; cum colas ingeris; hoc nimium est.

*Aut odia, aut fatuos populus traducit amores.*

*Quod vos componat rectius, hoc medium est.*

## **Ad Carolo Theodoricum filium.**

**H***uc puer huc Theodore puer, quo primula Veris,  
Flosq; verecundi calle pudoris hiat.*

*Carius hoc, mi nate, decus quo rarius ipsum est.*

*Quam cum mollis obit Iupiter omne nemus.*

*Accipe, quid violæ quid primula dicere possit:*

*O puer, ingenio vivere disce meo.*

*Spectamur, faciesq; placet. Sed finge scire,*

*Quod natus fugiat læsus odore grati.*

*Quosq; boni odissent juvenili in corpore mores;*

*Et puer, & flores futile germen erunt.*

## **De hortis.**

**A***lultimis Fazellus hospes Gadibus,  
Verum integrâ fide mihi junctissimus  
Rogavit à me, si bene memini, inqviens:*

*Quid hortus hic, quid ille; quales advenæ*

*Sub Sole vestra vidimus Borussia;*

*Quid præstat atq; confert suis cultoribus?*

*Cum Noricam vitem, inqviro, oleam, anygdalum,*

*Vel impotens Canicula vel intensius,*

*Quod plurimum sævit, gelu corruperit,*

*Omneq; sobolem exoticam deleverit;*

*Vt palmes alter, altera olea, & amygdalus.*

*Et viola ab Idâ deferatur altera,*

*Pervincit illud imaginarium bonum.*

*Hoc præstat, ut loculi levantur pondere,*

*Exenterato simus ut marsupio,*

*Plus depleatur cantharorum in otio.*

**Et**



Et verum in herbâ occasiones transeant,  
Dum mensium omnino trium est apricitas.

### Justo Puteano.

**B**Elga Tuus pater est: hunc suspexere Batavi.  
Iuste, minus merito est. Id prope limen habet.  
Suspicit & Gallus: gentes stupere Latina:  
Hocq; magis, Latiae pars quia gentis, amant.  
Et suboles tanti nobis es cara parentis:  
Ultima Menalia quâs habet ora fere.

### Nuptiis Paulli Sabovii Poëtæ Cæs.

senis quinquagenarii.

**E**Rgd virginibus ferunt,  
Nempe illis Heliconiis  
Iunctos esse Poëtas;  
Ut ducant, quoties vacat  
Dulci compare lectulus;  
Formosas, generosas?  
Nullusne in viduas amor,  
Et spretum genus alteri est  
Olim nexa marito?  
Prorsus prorsus id attinet.  
Nobis Sol deus integer,  
Divæ Musa novemplex.  
Nos in virgineum decus  
Nostris artibus iuvimus,  
Latâ frunde revincti.  
Nil nobis genialium  
Horarum negat Actius,  
Aut Pimpleides alma.

Nullus non Paphiam rosam,  
Omnis dat violam locus,  
Et promiscuus annus.  
Rem Vatum asserui. Tuis  
Illam assuescere moribus,  
Triti cautio seculi est.  
At si talibus immorer,  
Plus est nostra quod indoles  
Istis suggerat orsis.  
Quicquid particula meo  
Detur versifici, probe  
Quartâ luce refectum est.  
Prestat, mi Sabovi, tamen  
Fulcro non opis indigo  
Niti urgente senectâ.  
Quo stent alta palatia,  
Sit tibicen abeneus.  
Quorsum imbellis arundo?

C

Tirbonum

Tithonum sopor urgeat  
 Aeternus, nisi conjugis.  
 Gratas carperet auras.  
 Succiplena erat Idalis,  
 Cum diva in teneros sinus  
 Tardus Mulciber iret.  
 Lactat rumor Osiridem,  
 Et lecti decus Isidem.  
 Annis ille praëbat.  
 Nec par in paribus vigor:  
 Natu vir nisi major est,  
 Vxor prima senescet.  
 Tussis, foedus anhelitus,  
 Es morosa loquacitas.  
 Istis sola supersunt.  
 Ne fecri doleas Tuâ,  
 Tecum participat suam.  
 Coniux obsita rugis.  
 De solis Hecubis loquor.  
 Quis spernat teres osculum,  
 Solum morte mariti?  
 Qui Vates laceret nurum,  
 Quae moerens viduâ domo  
 More atq; ore puella est?

## Ad liberos

**D**E lingvis, pueri. Maternæ astringimur usu.  
 Huic quoq; de priscis gloria constat avis.  
 Et decus & pietas è Græcis fontibus hausta est:  
 Quoq; colas animum, sermo Latinus habet.  
 Murmure Bardorum confusas spernite voces.  
 Nec Deus his usus, nec pia turba Patrum est.

Si quid prætulimus tamen,  
 Ut certè exiguum, tamen  
 Hoc intacta virago est.  
 Qualis de grege Najadum  
 Te complexa decentius  
 Primo vota duello est.  
 Illi nectar amasium,  
 Quacumq; intulerit gradum,  
 Sparget mater Amorum.  
 Aevi differitas thoro  
 Aequatur. Bene viximus.  
 Si par forma modestis.  
 Hoc est, mi Saborvi, alterum  
 Felicis thalami Bonum:  
 De quo grator adepto.  
 Ex hoc nascitur alterum,  
 Quod porro annuerint dii,  
 Longâ atate fruendum.  
 Concors tæda, parentibus  
 Proles grata, furentibus  
 Euris dulce levamen.  
 Nunc Vos ad Zygiae sonum  
 Inter volta faventium  
 Festos edite plausus.

Gerardo



## Gerardo Coërdes hospiti.

**S**Atis, Gerarde, quod super libaminum  
Hesternâ ab arâ: quâ Iovi dapaliter  
Xenio supremam ad noctis horam fecimus:  
Et pridiani est apparatus sat gelu  
Quæstiorum piscium atq; carnum.  
Cave adstruas vel hoc vel illud plusculum.  
Nihil indigemus hinc ituri plurium.  
At si propinas, amplius, habitioribus  
Meis comitibus funde Gilio & Narssio.  
Sed nunc eundem est, mi. Gerarde hac dexterâ.  
Devincto G animo mihi. Vale Deo sospite.

## In Nonum.

**M**onstrosâ faciës es, vox est Tibi tetrica. Quorsum  
Induis hirsuti vellus inane capri?  
Quod noctu fingis, potes ipsâ luce videri.  
Cerdoni pelles. None, remitte suas.

## De Mævio

**D**E Mævio paucis rogârat Appius  
Mamertium civem illius Cythonio.  
Mamertius, uti ajunt eodem. à circulo  
Qui venerant, nihil moratus cætera.  
Hæc reddidit: Poëta Laureatus est.  
Nam tænas lemnisco honestas vidimus.  
Iterum Appius: Quoniam Camænas Mævii  
Nec ipse vidi, nec fuit quisquam hætenus.  
Alius mihi, vidisse qui se diceret;  
Id exigo, num Mævius Poëta sit?

Mamertius ubi paullulum cunctatus est,  
Istuc equidem mecastor, inquit, nescio.

### Ad Christum Jesum.

**V**incula solve: Tuum, Iesu, sitit anxia visum  
Mens mea, cœu fontis cervus anhelat aquam.  
Heic Tibi, Rex Superum, supplex provolvor & oro,  
Ne reus ob noxam iudicer ore Tuo.  
Omnia conservæ dispunxi debita turba.  
Ah minimum hoc totum est! maxima culpa mea est.

### Ad Gotofredum fil. in silvis.

**M**ajores, & lustro fratrem, Gotofrede, relinquis.  
Te duce fac post me Theiodoricus eat.  
Adspice, ut incultis vestigia nana salebris  
Deprimat, & teneros hauriat ulva pedes.  
Te comitem inclamat, vult à Te fratre juvari.  
Hanc primam in silvis, quam potes, asser opem.

### Ad liberos in hortis.

**O**H nihil est, pueri, fatuas conscendere prunos.  
Et niti infirmo præcipitiq; gradu.  
Sunt humiles coryli, quarum nux obvia velli.  
Inter tot calycas pondere victa rogat.  
Dulcia quid vani jactatis amygdala pupi?  
Non ego maturas ante nuces habeo.

### Ad Sabinum.

**M**inimè est, Sabine. Temulentam dixerat  
Corneliam: qui proximè habitant, hi negant.  
Vinum odit omne veluti præsens toxicum.  
Simul heluonibus, Strigumq; pessimis



Noctu assidet meretricio sub fornice;  
Quod potat, illud spissior cervisia est.

### In Cleomachum.

**F**ingis, refingis Tua, Cleomache, septimū.  
Iterum Tuus refingit hospes Leodio.  
Modò hoc modò illud displicet. Nihil editis,  
Semper manente Codice liturario.

### In Fidentium.

**M**anius est fatuus: sed si quis non sapit ultra  
Immundum vulgus, malit sibi Manius esse.  
Imperat, & Reges amplā ditione coercet  
Augustum genus ipse diis majoribus ortus:  
Immensas moderatur opes, frangitq; clientem  
Providus, & Siculas largitur egentibus arces.  
Gratuito vivit parvo Lare nec satis alto,  
Plebesq; garo componit oluscula nuper  
Lecta quibus placuit (nam nemo illi invidet) hortis.  
Rides, Fidenti? Nemo est insanius ac Tu.  
Dicam, quæ sitias? sunt hæc majora, Tuā quā  
Ferre quæant scapula. Dum nil sibi Manius optat;  
Major stultitia est, spem sustentare negati.

### De Sunnio.

**S**unnus est viduus: ver, si modò vera fatetur,  
Intrabit viduos altera nupta thoros.  
Qui violam, Paphiasq; rosas & molle selinum  
Saltat, cum nobis verba dedisse puto.

### Ad liberos.

**Q**uos faciant sumtus hominum pars maxima ventris  
Quot perimat Soles improba cura gula;

Corpora

Corpora quot pereant uni mactata guloni,  
Adspice frugali gens mea salva cibo.  
Quo nunc & senos vitam tolerasset in annos,  
Consumsit lustris tempore civis edax.

In obitum Nobiliss: Consultiss:

DN. GERARDI COERDES V. J. D.

Consist. Pomesan: Officialis.

**T**V quæ post obitum tollis Te fama Coërde  
Æquior, à nobis amplius illud habe.  
Vidimus alterni, nec amoris symbola deerant.  
Sed jacuit veluti tempore rupta fides.  
Lustra duo exierant: pluvio Iove fortè subibam.  
Tecta viri, cunctis quæ patuere bonis.  
Venimus Elbingâ, cum scisceret ille, repono.  
Tum de me quid non, ac sine fine rogat?  
Quare, inquam, ex ipso, morososq; induo vultus.  
Protenus amplexu me fovet ille suo.  
Atq; idem es, dixit: Tuq; ô mihi care Zameli,  
Noveris his fibris nomen inesse Tuum.  
At Superum hoc imi est: quâ Numina parte locabis?  
Sedibus his, reddit, præsidet ipse Deus.  
Sedibus his animas hac mente recolligo dignas.  
Quamta fides, postquam rebus aperta fuit!  
Vxor erat peregre, visusq; erat esse Philemon:  
At quamvis clauso mensa onerata penu est.  
Non ego pars Superum: tamen ut Cyllenius ales  
Cum Iove venissent, quo colerentur, erat.  
Mitto de dapium subitâ strue, mitto meracum.  
Hac quæ aderat probitas, hospite digna deo est.  
Quicquid diffundat Minois Curia, vicit.  
Divum illi atq; hominum militat albus amor.



## De Mævio.

**A**E Dibus oclusis dilectâ exclusus amicâ  
Mævius infames audet inire vias.  
Tentat: & emenso panè est apbedrone receptus.  
Hospite submitit, cum veniente manum.  
Mollius hic cecidit, quàm qui missurus amorem.  
Fertur ab Ambraciis in fera saxa jugis.

## Ad liberos suos.

**S**I quam videtis, elegantem virginem;  
Mea regna, mea fors, & amici liberi.  
Absit Cupido Vos laceffat ebrinus.  
Putate Vos videre formam fulem.  
Facie tenus. Nam cætera atro robori  
Aptanda, tunica, pectoralia, annuli.  
Monilia, armilla & laborata omnia  
Virtutum inane sæpe pectus ambiunt.  
Cum conjugalia Vos iuvabunt fœdera,  
In Vos malum ne quod redundet (& malum.  
In hoc negotio quod est, hoc maximum est).  
Modestiam cultu in modesto quærite.

## De Tomyri puellâ.

**Q**Uid ploret Tomyris, rogant amantes.  
Sed caussam tegit illa, nec fatetur.  
Dicam. Cum iuvenes ament noveni.  
Se formâ dolet esse, si venustâ.  
At non ad studium venustiore.  
Mallet mille placere, quàm novenis.

## Ad filios carissimos.

**P**rogenies Scythicæ sumus, ô mea pignera, gentis.  
 Finibus in primis Cæsaris ara fuit.  
 Asperiore polo tellus inculta jacebat,  
 Prædæq; ab obscuro tramite victus erat.  
 Oderunt sedes plus atræ noctis habentes,  
 Ac metus extra Solis inane solum.  
 Venit, & Istuleo gavisus fonte Boruscus  
 Venedicis fixit castra Laremq; jugis.  
 Collibus his Veneto mansit vetus incola pago.  
 Proxima robustus rura Sydinus arx.  
 In genus hoc Latias olim transisse cohortes  
 Non dubito: Latium vocula rara sapit.  
 Ardua cingebant sacra Capitolia quercus,  
 Imperiūq; caput nomine Roma fuit.  
 Æterni luxere deū penetrabilibus ignes,  
 Picumnoq; suis stabat in æde focus.  
 Quid mirum Argolicas passim intercurrere voces?  
 Hinc ortum, hinc cultum sermo Latinus habet.  
 Secula transierant, Solymæ cum miles inultæ  
 Prussica neglectis vertit in arva Syris.  
 Favit Christicolis nostri cognominis autor,  
 Clamq; suâ duro tempore fovit ope.  
 Elbingæ jam dira fames pugnabat & altæ  
 Christopoli, ad portas càm stetit alma Ceres.  
 Samilen dixere senem: vox signat amatum.  
 Fecerat hæc illi nomina gentis amor.  
 Zeta suo Slavi commutant Sigma Pelasgum.  
 Zamilen scribunt haut abeunte sono.  
 Napulen legit hic: Namilen legerat alter.  
 Plus noxæ primo proximus error habet.  
 Annales superant, bis qui expressere Samilen.  
 Incautum potuit fallere segnis apex.



Fortè & cùm rigidi subiissent gesta Nalubæ,  
 Confudit. Veniam quis neget? hospes erat  
 Hic qui de ducibus bis sex assurgere visus  
 Fila per unius dirigit urbis opes.  
 Quid porro exclamem? quot sunt in origine nuge?  
 Quid totidem fratres à Videnute sati?  
 Ille quidem fuerit, numerum tamen edo minorem.  
 Nomina post populos quis putet orta suos?  
 Sudinæ gentes & res Galinda vigebat,  
 Cùm nondum Scythicæ legit electra puer.  
 Hunc mihi Zodiactum rudior suppleverat ætas.  
 Quisquis sit, primum turba secuta fabrum est.  
 Zamilen repeto. Proniis regnabat in agris.  
 Dena & sex passum millia Drusis abest.  
 Surgana obit fines: quæ cùm subit æquora Drusi,  
 Dote velut cancro se meliore probat.  
 Tunc mea Barbaricâ gens nobilitate valebat:  
 Curradus Scythicas Præses agebat opes.  
 Sensit Stauroforis hominem fera natio junctum,  
 Pœnarumq; graves est meditata modos.  
 Venerat in nexûs: ut hiabant ora coacti,  
 Feruentem infudit trux popularis aquam.  
 Tum verubus religant: & adustus mittitur hosti.  
 Aura super fuerat, nec satis aura super.  
 Vixit Teutonicis exul securior armis,  
 Et generi partâ pace remisit agrum.  
 Illo Tustinus pridem satus unica proles.  
 Hoc genitus Laurens, hoc Tilemannus erat.  
 Hinc Clemens, Thomasq; celer, triplicesq; Jacobi  
 Ordine: ab hoc proavus posteriore meus.  
 Primus hic Elbingam Proniis descendit ab oris.  
 Causa gravis casu de graviore data est.

Orsa monent veterum Patriæ gentisq; laborum.  
 Sed præstat positas condere nocte faces.  
 Turbida si memorem; quid non puer ausus in hostem est.  
 A stratis jussum Ditis adire domum?  
 Doctus ab his, idem cum venerat hostis & hospes,  
 Qui malè defenso rem posuere sacro.  
 Fratrem aluit Dafnin: Thoman ex fratre nepotem.  
 Novimus: hoc natus nomine dictus avi est.  
 His domus ambigui prope munimenta Nogedi.  
 Extinctos dominae nunc tegit arcis æter.  
 A proavo Simon avus est Johanne projectus,  
 Et gemini fratres: hinc patruele sac.  
 Par memini mento fruticante habuisse sororum.  
 Admotâq; puer tangere sæpe manu.  
 Esse genus durum facies barbata ferebat.  
 Atq; avus, ut series explicat, iste fuit.  
 Sunt qui odere virum: sed quid mastiges habebant?  
 Majorum cultor religionis erat.  
 Quem pater insequitur. Certâ ratione dabatur,  
 Quod nomen deinceps jusserat esse meum.  
 Privignos habuit Simon sterilemq; maritam:  
 Hinc lis de matris quotidiana bonis.  
 Reddita supremum conjux est fœta sub annum.  
 Et patre monstrato pugna dirempta meo est.  
 Palladis ille quidem secum portabat olivas:  
 Tertia sed matrem sustulit acta dies.  
 Gertrudis fuit hæc Mylii dilecta Iocimi  
 Filia: quod solitus sæpe referre pater.  
 Illi ex fratre nepos: Fabium dixere Georgi:  
 Atria quo proavo gens Bodekera colit.  
 At Tu natorum minimus Federice meorum  
 Nomen habes nostrum: pars Gotofrede Tua est.

Carole



Carole Tu partem fers Theiodorice sequentem.

Hic ortus meus est, hoc genus, unde pater.

Antiquo subii bis sexta propago Zamilæ:

Contiguo sequeris Tu bona Triga gradu.

Octo bis exierant bis adempto secula lustris

A genito, qui res divum hominumq; regit.

Ante sacras Iani lux quarta refulserat Idus,

Cum primum generis me dedit alma parens.

Bis geminos habui fratres, totidemq; sorores.

Tota hæc est nostrâ conposita turba manu.

Cyrjaco, Samueleq; Nicoleoq; & Achate.

Fratribus his natu major Elisa fuit.

In mediis Reginæ ambæ Christinaq;: de quâ

Editus est artes doctus Hygeia Tuas.

Qui patruum (fuit ille Arabum lustrator Achates.

Namq; erat & patri dura noverca meo)

Qui patruum vidi, cui vixit avunculus, & gens.

O numquam siccis nomina dicta genis!

Quid recolam Te fida soror, Te frater, & hoc par,

Quod genuit? post tot funera solus ago.

Vos, pueri, obtestor tot lumina cara secutos:

Este meæ columen præsidiumq; domus!

Primus ego è totâ sum gente professus amorem.

Numinis Ortygii Thespiadumq; chori.

Druside formabar sub præceptore noveno.

Sit probitas illis: quo foveantur, adest.

Septenum attigeram decimum maturior annum.

Cum mihi doctores culta Thoruna dedit.

Dilecti quondam mea cura quiescite Vates.

Hinc Gedanum verti patre monente pedem.

Fare prius, lætâ quàm flectas arce Gythoni.

Numquam oblita Tibi, mens mea, corda duo.

Si modo, magnorum dux Keckermane Sophorum.  
 Profeci, fateor pollicis esse Tui.  
 Et mihi, Tu Lyrici Princeps Laubane Senatus,  
 Cantanti digitum tollere visus eras.  
 Ottocaris placuit, postquam excessere Magistri:  
 Quem conjurati di coluere locum.  
 Hoc ad Varniacam sortes egere Minervam.  
 Lubinum accessi: cui mea puncta dabam.  
 Littore digressus vicina per arva Caycis  
 Leucoridos subii templa venusta deae.  
 Heic mihi Theiologos & Ius ex asse crepabant.  
 Quem sequer, Saliâ gente Columbus erat.  
 Discincti ferro incedunt mansueta professi.  
 Nocte dolus tegitur, tutaq, nulla via est.  
 Magna patrum manus est, vitio quæ sudat alendo:  
 Et Venerum pretiis numus avitus abijt.  
 Sunt rari, sunt qui venere ad summa merendo.  
 Hos, pueri, Vobis hos ego monstro duces.  
 Põst Hermundurjæ nos invitastis Athenæ,  
 Et qui Pierias Guttale volvis aquas.  
 Bellorum immunes tunc utraq, terra fuistis:  
 Nec Gothicas Ister noverat ipse minas.  
 Hæc mihi Teutonici non longo tramite Regni,  
 Tempore nec longo meta peracta via.  
 Pisa quot-exhibitis spectacula curat aristis,  
 Tot lætæ habui missus ab urbe meæ.  
 Non ego Romano quæsi vi in pulvere Romanæ.  
 Hanc mihi condebant, qui tenuere, Patres.  
 Cum nihil externi quereretur Patria ritus,  
 Ex illis Latios sum speculatus agros.  
 Quid Tiberin spectas fluvium cognata juventus?  
 Sæpe Tuas nullis usibus hausit opes.

Sunt



*Sunt maria & terræ Siculi trans claustra Pelori,*  
*Et vastos aperit Memnonis ora sinûs.*  
*Cùm patuit Ganges, sunt porrò immensa colentes.*  
*Si ratio & virtus ducit, adire para.*  
*Cur soboli ( hoc caput est ) æris quadrantur acervi.*  
*Si perit in vanis fors cumulata bonis?*  
*Si quos majorum rectè ignoraverat ætas.*  
*Adsciscunt mores lubrica corda novos?*  
*Quid referam, quo se frangant patrimonia luxu?*  
*Quàm nullus sceleri sit modus, atq; pudor?*  
*Qui nexos alibi contemto quæris honesto,*  
*Digniùs in patrio stent Tua vela salo.*  
*Maternos uideamus avos. Præconsule dignos*  
*Fermannus fasces Potiniusq; tulit.*  
*Hic abavus meus est: nec distat longius alter.*  
*Morte patrum stirps est utraq; juncta thoro.*  
*Est mihi Matthias alter Cunradus avorum.*  
*Hoc & Fermannâ mater Elisa sata est.*  
*Istud eam parientis erat de nomine nomen.*  
*Illius, hanc olim quæ peperisset avo.*  
*Didones igitur dicas tres ordine matres:*  
*Quamlibet his cunctis deforet Anna soror.*  
*Trina soror quàmvis mediæ, cùm nulla priori,*  
*Extremæ solo de patre quarta foret.*  
*Nicoleon germanum habuit. Cùm matris adiret*  
*Ille domum, his manibus munera parva dabat.*  
*Sæpe meam oscillis ditavit avunculus aulam.*  
*Hæc mihi cum pictis regna fuere libris.*  
*Potinio traxit proavo de Consule nomen.*  
*Consulis Errici displicuisse ferunt.*  
*De patre nolebat Michaële puerpera poni.*  
*Patris & istius fors qua vetabat avi.*

*Pars mea Munceri: Consul clarissimus alter:  
 Aonias alter largius hausit aquas.  
 Fortè ego sum Vates, major quòd avunculus esset.  
 Perpetuis Elegis illius extat opus.  
 Quicquid in hoc decorum, naturam appello potentem.  
 Hanc ego Vos jubeo, non mea vota, sequi.  
 Sufficit in nostros Musarum gratia lusùs.  
 Quà vitam trahimus, res aliunde data est.  
 Sed sit & ista fides non nomina vana secuto:  
 Pluribus è studiis est mihi partus huius.  
 Carminis à solâ promittere lege Poëtam,  
 Non bene ducentis cura supina fuit.  
 Sic egi, ut censu tot avorum dignus haberer,  
 Par titulis populi crederer esse mei.  
 Vos ad Parthenopen maternum stemma Borussam  
 Avocat. Hinc nobis utraq; tæda fuit.  
 Zessellii Proceres, Myliiq; à pneumate dicti  
 In proavis, major nate, fuere Tuus.  
 Sunt Vobis, Hesii, quosq; hæc cognatio tradet.  
 Trunccorum, ut vidi, stat decus omne domo.  
 Si Themidos Lauri veniunt in jure nepotum,  
 Has Hesius Consul Vester habebat avus.  
 Tres Soles, Gotofrede, Tibi Catharina superstes  
 Mater erat: fratrum est nunc Catharina parens.  
 Noveris hæc iidem, tria me superasse maritum  
 Lustra prius, mater quàm Tua juncta mihi est.  
 Post viduos Theodora thoros Calosilvia mecum  
 Vixit: & ista mihi copula prima fuit.  
 Tum genetrice Tuâ menses ter quinq; fruebar:  
 Deinde Platenéum venit Elisa genus.  
 Quid Tibi commemorem? satis est meminisse dolorum,  
 Rapta mihi est, & tunc altera cessit hiems.*

Nunc



Nunc mihi cum Catharâ sint omni labe carentes,  
 Et si non omni sint sine nube, dies.  
 Non ego Deucalion de Pyrrhâ glorior unâ:  
 Nec vir Penelopes unius esse ferar.  
 Et tamen incestos Paridis damnavimus ignes.  
 Ista mea, pueri, fata fuere domus.  
 Vos meritis olim virtutem ostendite factis:  
 Et generis nostri gloria major erit.  
 Crescetis, venietq; suis amor improbus annis,  
 Stabitq; ad Vestras prædubia Iuno fores.  
 Diva potens patriis tædas accendat ab aris.  
 Sapius externa destituere faces.  
 Ibitis infidâ per naufraga littora puppi,  
 Si qua erit in socio culpa dolusq; thoro.  
 Cum fato excedam, memores estote sororum.  
 Hoc Gotoliba, bis hoc Adelogunda rogat.  
 Primum est in rebus, lexq; est æterna bonorum.  
 Vestraq; erit, castâ mente fovere Deum.  
 Si fuerit genus, populis qui nostra probavit,  
 Zameliâ orantur Regia gesta manu.  
 Terrarum dominos habui Superosq; faventes,  
 Ingenii quoties res fuit illa mei.  
 In Te præcipue, Rex Vladislæ, colendo  
 Mens qua mihi hæc animi robore major erat.  
 Vive mihi generisq; mei tutissima rebus  
 Ancora. Iussisti spes semel esse ratas.  
 Quæ res humanas, mundi quæ jura tuetur.  
 Est dis est Vobis Regibus ista fides.  
 As Vos crescentes cælo ostentare Poëtas,  
 Stirps mea; sit studiis sat meruisse meis.  
 De genere extremum est. Scythicos quis spreverit ortus,  
 Si mihi non alios Teuto reponit avos?

Sunt

Sunt qui Vos miserum jubeant ediscere carmen.  
Discite de Vestra gente Poëma meum.

### Ad eosdem.

**S**I quid parentis gratiâ precamini,  
Zameliana gens, & astruunt dii  
Vitæ aureo bis absoluto plusculum;  
Orate Superos sanitatem corporis  
Animiq; item. Quod vivere est obnoxium  
Arthritidi, & vel calculosis renibus,  
Aliisq; quorum exercitus, doloribus?  
Esto sapienti imperium in hæc mala integrum  
(Nihil obloquor) sed frangitur tandem & perit.

### Ad Fridericum filium.

**P**upus es, & fratrum minimus Federice Tuorum:  
Incumbetq; gravis sors Tibi morte meâ.  
Firma animum, supera; omnem virtute laborem:  
Quodq; erit, in sumtus crede sat esse Tuos.  
Et fore non dubito, meus ô cognominis hæres,  
Ad Te qui dicant: Pro patre noster eris.

### De Martha.

**M**Artha laceffito mentita rubore juventam  
Cum juvene assedit jam placitura proco.  
Hic, postquam macies ostensa colore fugato,  
Horruit illam inter consensuisse manus.  
Nubite dum vigor est, aut hanc deponite curam.  
Fallitur in fictis, sed citò mutat amor.

### In Macrum.

**Q**uod nihil ædifico, mihi sit domus integra, sed quod  
Una sit, Oeconomum me negat esse Macer.

Ædificat,



*Ædificat, fabrosq; Macer conducit in horas.  
Oeconomum, quicquid se putet esse, nego.*

**In eundem.**

**Q***uod Macer impendit sua vectigalia fabris,  
Hoc est velle domum perdere mole novâ.  
Sola illi immensum proscripsit pergula fundum.  
Quid faciet moles tanta nec are Macri?*

**AD REVERENDUM CLARISSIMUMq; VIRUM  
DN. M. BALTHASAREM VOIDIVM,**  
cùm illi à Magnifico ac Nobiliss. Comite Palatino Cæs.  
ac Eqv: **WILLICHIO WESTHOVIO**, Canonico Lun-  
densi Delfica Laurus collata esset anno M. DC. XLIV.

**D***vdum Pierides, dudum Tibi Gratia triplex  
Illicis ad famæ templa fuere duces.  
Has Te Castaliâ pariter donasse corollâ  
WESTHOVIO liquidum teste docere potes.  
De me. Cùm nostris ea res innotuit oris,  
Hac solâ asserui gaudia cœpta fide.  
Nam si quid Pylia vidi par esse senectæ;  
Iste habitus, os est istud, & ista manus.  
Hareat in mutis vaga conjectura sigillis,  
Et fallant tabulæ, nec satis æra probent;  
Mecum Varniæ sub Palladis ægide vixit:  
Vixit & in Philyris contiguâq; domo.  
Iunior excelsæ venerabar frontis honorem,  
Virq; suo ex studiis indice dignus erat.  
Hoc meus ignorat Cimber fugientibus annis:  
Atq; ego tunc venâ pauperiore fui.  
Vidi quem sequerer, qui me contemnere posset:  
Nec voto stetimus tiroq; duxq; pari.*

*Quod pietas, VOIDI, quod virtus major in ipso est,*

*Nobiliore datur servia texta manu.*

*Proxima Minciadæ pones vestigia signis:*

*Et vetus esse Tibi Patria Sulmo volet.*

*Te civem Verona optet, Te Roma Tibullo.*

*Gaudeat, & Sexto Cynthia culta suo.*

*Quorsum est ad nostros - nuper descendere Vates?*

*Non aliâ in laudum parte Melissus erat.*

*Taubmannum colui: potes has æquare Columbas,*

*Cumq; Caledoniis nomen habere Cynis.*

*Transco Acidalium: Gruterus mitto Fabrosq;*

*Nec de Chytræis, Frenceliisq; loquor.*

*Salbachios taceo, vixq; illâ sede repostos.*

*Nam quarum differt pes, minor ille Tuo est.*

*Esse aliquid dixi, meruisse à Cæsare laurum,*

*Quâq; virent illæ lætiùs, inde dari.*

*Iactavi nostras non inter compita fertas,*

*Ac Latiis habui sat placuisse diis.*

*Vt tamen his placui, nec præmia nostra latebant:*

*Et titulos aliqua est canna locuta meos.*

*Nos Jovis armigero superavimus alite nimbos:*

*Nos jubar exoriens, & bona Pallas alit.*

*Sed quodd Hyperboreæ veniunt Tibi germina Dafnes,*

*Ex re difficili gloria nata Tua est.*

*Si qua fides famæ est, Borean habitavit Apollo:*

*Ad Delon castæ dona tulere nurus.*

*Pompa erat, Actææ qualem duxere puellæ,*

*Cum patriæ colerent annua festa deæ.*

*O Superi! qui tantus amor, quæ tanta cupido*

*Misit ad ignotos innuba corda Lares?*

*Gracia succubuit læsâ pietate ferentum.*

*Ab raptus Gothicæ est virginitatis honos!*

*Hinc*



Hinc deus Aoniæ justas accensus in iras  
 Nunc quoq; Cefisum spernit & Arcton amat.  
 Pirenen temerasse ferunt, Pindumq; minacem  
 Lanigero Thracum prostituisse gregi.  
 Qualis in ingratos minimè Saturnius agros  
 Depluit, infestas odit Apollo vias.  
 Et Boreas ederam positasq; in præmia laurus,  
 Dum non averso Sole feruntur, habet.  
 His tamen abfuerit Phæbæia gentibus arbor,  
 Luxuriat multis picea silva plagis.  
 De pinu sertum, qui vicerit Isthmia, sumsit.  
 Nec deerat bimani laurea pinguis agro.  
 Hac Pan Arcadicum velavit tempora Numen:  
 Hac Fauni celeres impedière comam.  
 Et Capitolino est dignas Iove cernere quercus:  
 Quid? passim iliceis frundibus arva virent.  
 Inde satis decorum venturo spondeo Vati:  
 Si merces petitur, res ubi justa subest.  
 Vidisses Memorem ambitiosa brabæa rogantem,  
 Vidisses meritum; glande revinctus erat.  
 Quid Memorem obtendo? Collegia tota coibant:  
 Et coluit primos arbor amica Iovi.  
 Nescit, & obtrectat, qui se putat esse Poëtam.  
 Lemniscum certè non habet ille meum.  
 Sit nostrum, VOIDI, patulo inclarescere mundo.  
 Te sacra, me fontes ruraq; nota vehant.  
 Cum nemore in viridi primos solabor amores;  
 Et referam, quæ sit cura secuta senem.  
 Cum tamen hæc referam, quæ quondam grata fuissent,  
 Ac quæ nunc constent digna labore meo.  
 Seu mediter, quid cæcus amor aut carmina possint,  
 Seu quibus evites improba tela modis.

*Tu festum panges divorum cultibus hymnum,*  
*Præstando Vatem, queis operâre, focis.*  
*Si qua dies, quæ nos in eodem tramite sistet;*  
*Tunc aliquid finges utile, more meo.*  
*Prelia si canimus, quæ Martia dixeris esse,*  
*Idalis hoc campo pars nisi magna foret;*  
*Si madidas à vite rosas, si pleetra chorosq;*  
*Cornigeriq; legis vina revincta dei,*  
*Si mediâ intremuit percussus nocte Cithæron,*  
*Et rapimus thyrsos, Bacchica turba, Tuos;*  
*Lusibus in nostris stolidi ridentur amantes.*  
*Huc facit in partem scilicet isse grægis.*  
*Verius admissæ commendant Menades artem.*  
*Et de vicinis Orgia visa jugis.*  
*Huc Spartane puer: servileis inspicere vultus.*  
*Est procul à nostris mentibus ille furor.*  
*Nos Veneris regnum, nos sacra ululata crepamus:*  
*Sed quæ inter rhyasos est data, nostra via est.*  
*Omnibus attendit, tamen abstinet omnibus idem,*  
*Quisquis in hac optat cultior esse tribu.*  
*Vt fugiant, quoties lecta est Babylonia Thisbe,*  
*Nil profecturas mollia corda faces;*  
*Vt discant Myrrha quosvis horrescere casus,*  
*Et mala quæ fuerant, hæc graviora putent;*  
*Artis opus nostræ est. Qui tristia singula finxit,*  
*Et causam tacitè dixit habere nefas.*  
*Non sua Pasiphæen in scenam traxerat ætas.*  
*Vixerit: ingratus carminis autor erat.*  
*Si quod erat Thais, quod filia Solis, habetur;*  
*Dicere de populo non licet ista Tuo.*  
*Multa quidem stricto tanguntur crimina versu.*  
*Hoc puncto, ut fatear, sufficit esse gravem.*



Si Satyram spectas, nudam posuere legentes.  
 Quæ juvat, in fictis cautio tota sita est.  
 Quid juvenes dicam? cum nos sumserit Catones,  
 Fronte suâ numquam nos voluere legi.  
 Longius egredior: quæ condimus, exige Tecum.  
 Hac venit pietas & proba vita domo.  
 Prima rudimenta in nostris cœpere Poëtis:  
 Vatis est solis absoluisse datum.  
 Nos genus ætherium, Veneris nos turba pudica.  
 Exulat à nostris Mortua fœda sacris.  
 Premia, quæis fruimur, transcendunt omnia vulgi.  
 Delicia Superum nos sumus, unde sumus.  
 Nos qui cœlicolũm voces, magniq; Tonantis  
 Gaudia vulgamus nectareasq; dapes,  
 Astrigero soli Vates admittimur Orbi.  
 Ingressi quæ stat celsior aula Iovis.  
 Protenus asserimur, cum nos regnator Olympi  
 Vidit, & invitat nos Venus alma loco.  
 Fulmine defensa est nostris data frontibus arbor.  
 Illa & victores versificesq; colit.  
 Dic ubi sint violæ, quæ lilia parte rosæq;  
 Hoc nos æterno munere Chloris obit.  
 Quisquis in hac nescit se majestate tueri.  
 Et lucrum à Clario pinguius amne rogat;  
 Noverit aversis operam sumsisse Camœnis,  
 As vacuâ populi se tenuis aure vehi.  
 Ille fame nocui manes accesserit auri,  
 Inq; suam subeat flumina plena sitim.  
 Non ea de nostro penuria monte levatur.  
 Collibus his tener est cespes, & unda levis.  
 Interea summi gestamus tela parentis.  
 Et quæ non tellus nos Iovis instar habet?

DI me servârunt mala non vulgaria passum :  
 Hosq; duces habui, cum mea palma fuit.  
 Astra mihi favcant; sistet fors improba, dixi.  
 Tu Tua de rebus collige fata meis.  
 Sæpe hilari risus, & quæ meditabar in arctis  
 Fortunæ atroces sustinuere vices.  
 Difficile hoc aliis: ad se traxere Poëta.  
 Hanc sibi virtutem gens mea semper habet.  
 Succurrunt nobis rerum monimenta priorum,  
 In quibus hærebant mista secunda malis.  
 Nos Regum exemplis, nos vulgi sorte adsemur,  
 Certa q; de priscis norma peritur ævis.  
 Et deus est aliquis, Vatum qui pectora mulcet,  
 Hisq; dat expertes nubibus ire dies.  
 Si novi quæ sit præsentia Numinis hujus  
 (Sed puto per longas me didicisse moras)  
 Invidiam vici: per carmina fortiter, egi:  
 Inq; meas sprevi tetrica missus opes.  
 Quid non attigimus? quas non superavimus arces?  
 Quid non calcatum est hoc subeunte deo?  
 A stomacho crudæ sumsi mea robora plebis:  
 Et jacuit nostris versibus icta Chloë.  
 Gellia quid potuit? læsi fuit hostia Vatis:  
 Nec nostro in rabiem Lalia versa malo est.  
 Ne tantum doleas, ô Nævia! Plura supersunt  
 Spicula. Quod dedimus, non grave vulnus erat.  
 Invidet, & blandâ Chione me voce salutat.  
 Flectitur irato cauta puella Iovi.  
 Cælia me amplexa est concitis faucibus telis.  
 Ab quoties dixit! cætera nostra tace.  
 Dicite, quos Vatum semel advertere libelli:  
 Si censura brevis, sed tamen apta fuit;

Tum



Tum subeant eadem commissæ; quid attinet ultra,  
 Quin sua percurrat conscius ora rubor?  
 Quin non tam polleus facundo Tullius ore,  
 Quàm curtus penetret viscera Bilbilides?  
 Audiat osor iners, seu qui clàm præbuit aurem:  
 Vindicias meritæ laudis apertus ago.  
 Si tamen à scripto genuinum nomine distat;  
 Constatum nobis, & Tibi caussa data est.  
 Namq; & spiranteis nil non immane Typhæos  
 Est ruerè in sexu sæpe, Cytheri, Tuo.  
 Numine fœmineo quis nescit stare Poesin?  
 Et poscunt animos carmina docta mares.  
 Excute rem totam. Muliebri veste latebat  
 Agnitus Æacides, quem tulit uda Thetis.  
 Videris ut nostros obeat stola turpior hostes,  
 Quos uti Pelidas vexerat aura levis.  
 Cyclade sub molli vastos lussisse Cyclopas,  
 Res est vel magnis suspicienda diis.  
 Constitit, ut nemo Vates impune laceffat.  
 Hic scopus ex aliis, hæc mihi summa fuit.  
 Testor Vos superos æternaq; lumina mundi,  
 Invidiam famæ vela dedisse meæ.  
 Iam mihi præsidio est populis regnata Latinis  
 Omnis humus: jam me qui legit Astur amat.  
 Illd iter à Grajà spectantibus Alpe Pyrenen:  
 Et mihi, nî Ligeris nî tenuisset Arar.  
 Ex hoc Bebryciæ vortex minùs obstitit aulæ,  
 Quin me Cantabricis Santo bearet agris.  
 Iuimus in Regum pars applausura triumphos,  
 Inter Teutonicos Sarmaticosq; duces.  
 Quæ fovit, decorum gaudet præcone meorum  
 Terra sub extremo Martis alumna polo.

Poscimus

Poscimur à doctis pridem mansuescere Dacis,  
 Meq; probant hodie mitia corda Getæ.  
 Potantes Tamarum fontem Trinobantidos ora  
 Scotosq; affavit nominis aura mei.  
 Quid peccent animi nos divum in sorte locantes?  
 Nescio quid mitris fors mea majus habet.  
 Qui latos sulcatis agros, estote beati.  
 Excessit patrias gloria Vatis opes.  
 Et mihi Calliope: Cum sint obnoxia fatis  
 Omnia, nescitis Vos mea coram mori.  
 Quam cineri Vestro pompam fortuna negavit.  
 Transeat: ad seros nil facit illa dies.  
 Nox erat, & dulcem ruperunt visa soporem:  
 Nec mihi, cum ruerent, irrita fecit ebur.  
 Ipse suis in me cecidit funestius armis  
 Qui, quo se possit frangere, livor habet.  
 Cum satis invaluit; laqueosq; ensesq; ministrant,  
 Et rapidam accelerant carmina læta necem.  
 Quid rudis innocuas oneret suspicio mentes?  
 Artibus his nulli succubere boni.  
 Omnem adeo colui virtutem, ut notior esset:  
 Omne adeo crimen notius arte meâ est.  
 Querimus ingenio per docta silentia vires.  
 Si dignè obsequeris, res Tua lusus erit.  
 Tunc Tibi sol primo surgat gratissimus ortu,  
 Et Tecum excubias Delia felis agat.  
 Tunc neq; displiceat nocturnæ Palladis ales,  
 Nec mora sub lichno desidiofa ruat.  
 Atq; olim in somnis Phæbum subiisse recordor,  
 Optatosq; animo deposuisse modos.  
 Dissidet à studiis & motibus alea nostris:  
 Nec Tua quo pellas nubila, talus habet.

Ludicra



Ludicra sint vulgo tenues concessa fritilli:  
 Otia Laurigeros nobiliora decent.  
 Nos & Naiadum sequimur Dryadumq; latebras:  
 Quâq; choros agitant, Vatribus esse licet.  
 Noxa sit in Faunis, exemplaq; tristia durent;  
 Illo Phœbicolâs sanctior egit amor.  
 Hac nos oblectant mediis spectacula silvis,  
 Hac animi accedunt ingenuq; bonis.  
 Dura senectus! ô nostris non aspera Musis!  
 Da porro placidos in mea texta dies.  
 Omne nemus faveat, magniq; Heliconis alumna  
 Præstet; & Aonias quilibet amnis aqas.  
 At Tu, mi VOIDI, quem Delfica Laurus obumbrat,  
 Cui dantis Critico venit ab ungue decus,  
 Sperne rudes animas: & quod vocat ardua virtus,  
 Quâq; diis propior factus es, ito viam.  
 Alter aqualiculo crescenti serviat, inq;  
 Vnius intereant corpora multa dapem.  
 Turpe viro verè studium cæleste professo,  
 Altius exstructo se tolerare cibo.  
 Si bene Te novi, sapiunt Tibi Socratis aulla,  
 Et mea Te serâ nutrit oliva die.  
 Deinde satis modicus, quo focillaris Iaccho.  
 Idem implet venas debilitatq; deus.  
 Te penes in luxum valuit nihil. Integer usus  
 Omnibus est rerum, quæ licuere probis.  
 Posce aliquid succi, posce hoc suadentibus horis:  
 Nec fatuis sumto pande triente fores.  
 Evomuit totam nuper Saufeia bilem,  
 Dilkeret fontes cum levis uva Tuos.  
 Id strigis amotos sitit ortâ luce deunces:  
 Et dubitat natum Vatribus esse merum.

*Si qua senescentis tangit Te cura Zamell,*  
*Dic ea lecturis: Hic quoq; Noster erat.*  
 Tempore quo niveis jactaret talia Nimsis,  
 Quà solet, umbrosis ad vada nota jugis;  
 Ottocarîs patrii condebat secula Phœbi.  
 Prægorisîn festus luxerat ille dies.  
 Cum duce VUEIERO Proceres meus inter ovantes  
 THILO, ac Mæonidum DACHIUS ibat amor.  
 Templa deûm votis & adulto thure calebant:  
 Et sua venturis omina rebusserant.  
 Sacra coles, VOIDI, nulli repetenda colentum:  
 Ac ea (nam queror hoc) me sine sacra coles.  
 Tot studiis partos coràm venerarer amicos:  
 Sollicitatq; meam publica cera fidem.  
 Iffem: jamq; calor rabidi deferbuit astri:  
 Sed me iterum intrudit stridula Libra foro.  
 Tu GOTOFREDE iter hoc, Tu THEIODORICE capeffes:  
 CAROLE: Vos capitis pignora cara mei.  
 Tu FEDERICE domi servabis scrinia patris  
 Scilicet, ô nostri pupe vigoris honos!  
 Ecce Camenarum soboles Comenius intrat.  
 Hic qui Janiculi venit ab arce novâ.  
 Innexâq; fide, de te mihi gratulor, inquit.  
 Quem tenui in votis hoc procul Orbe meis.  
 Nempe breves tumulos æternis collibus æquat.  
 Iste amor est! tuq; hoc adfide mæror abi.  
 Cum mea longinquo se tollat adorea calo;  
 Cur est in patrio, qui maledicat, agro?  
 Sæpe quidem excessi sed justo firmior ictu.  
 Hoc ex hoste Tuo deniq; livor habet.  
 Nam quæ non Pallas Tarpejo juncta parenti  
 Tela det? in stimulos sic valet illa meos.

Cum



Cum satius placeant nemorum secreta Poëtis,  
Huc ades à primo limine, care Titi.  
Tu quoq; felices inter spectabere plausus  
Vrbis, electriferi quam beat unda maris?  
At deus hic aliquà interea cantabitur umbrâ,  
Talia qui Musis currere festa dedit.  
Quòd si quâ Ravium quæris regione locorum;  
Mecum est. Ad Samios ibit & ille deos.  
Hæc ego, Anaëtorides, cecini: qui pubis alumne  
Montibus in Vestris pars quotacumq; fui.

Excell. viro D<sup>N</sup>. SIMONI DACHIO

in Ottocarêâ P. P. amico.

**P**rimus in hoc voto, quo sum pro sanguine supplexi  
Cœlitibus, Superum sors nisi prima foret;  
Primus in hoc, Dachi es. Tu Vestra Lycæa colenti  
Monstrabis generi præmia vera meo.  
Tu duces ad templa deæ, quæ vulgat ab alto.  
Si sunt excelsò qui subiére gradu.

In Trutam.

**T**Ruta viro nupsit. Multos sprevisse procorum  
Audio. Cantatas hic vir habebat opes.  
Querebam, de quâ se ferret gente domoq;  
Teutonicis genitum fama negabat agris.  
Venisse ajebant Marsorum sede vetustâ,  
Et genti solitis rem cumulasse modis.

In Cœliam.

**C**Ælia cum claris, cum posset nubere doctis;  
Malo formosum, dixit, habere virum.  
Formosum accepit. Sine nomine vivit & arte  
Vir piger, in Paphiam strenuus ire deam.

Deformis nunc vir, deformis Gellia nunc est,  
Et quinae soboles; panis egente domo.

### In Gelliam.

**N**ec lotis manibus, nec terso Gellia naso est,  
In centone brevi conspicienda domi.  
Nec sint in pedibus, si sunt in pectore sordes?  
Vilior est mulâ, cum sibi clausa latet.  
In parium coetu nihil est succinctius illâ.  
Qua semper munda est, Gellia, culta sat est.

### Ad Gotolibam & Adelogundam filias.

**H**ortorum in cultum Vos, utraq; filia, mitto,  
In sertos rarum virgineumq; decus.  
Si qua virum amplexa est, castis excluditur hortis.  
Quod viret, atq; viget sola pudica legat.

### De Gavio Respondente.

**P**raeside sub Metio Gavius responsa daturus  
De Cerebro, mutum stabat inersq; pecus.  
Campius opposuit. Cum solveret omnia Praeses,  
Supremum hoc, dixit, quaero diserte Meti:  
De Cerebro in thesibus quoniam tractatio Vestris,  
Hoc Respondentem numquid habere putes?  
Firmavit Metius: Verum, inquit, ab agmine tanto  
Percussum extremis calcibus illud inest.

### Metutum Supinum.

**D**E metuo & metui dixi superesse metutum.  
Illud nescio quis carpere dictus homo est.  
Authentes non sum: quâvis authentica sint, quæ  
Lucreti in quinto sceptrâ metura jacent.

Ampli.



## Ampli.

**S**eni Doctores, tres accubere Magistri  
Ædibus Augustis: cœna dapalis erat.  
Partibus oppositis Laurus discreta sedebat:  
Nec plus hæc habuit, nec minus illa loci.  
Dixissem, si quæ contentio nata fuisset:  
Sunt aliquid bis tres, Amplior ordo trium est.

## In Chlorida.

**N**oxia cur paribus non sensit frigora Chloris?  
Condita ceruffis terq; quaterq; latet.

## Ad filios maiores.

**V**idistis Nympham: quæ si Corbinia proles  
Non foret, Amidum plectra regentis erat.  
Audistis, pueri, Latio sermone loquentem;  
Cum nostro, huic ipsi, nomine dixtis: Ave.  
Turpe foret Vobis, doctas audisse puellas;  
In doctis aliquid non tamen esse viris.

## De Carolo filio.

**C**arolus octennis bis sex rubicunda ferebat  
Poma domum. Civis dona faventis erant.  
Da fratri, dixi, da partem utriq; sorori:  
Et quot cuiq; dabis, tot retineto Tibi.  
Siccine dividerent homines sibi parta, rogabat,  
Ut tribus expensis quarta maneret hero?

## Ad filiam G.

**N**ata viges: at sera dies hæc omnia tollet,  
Vos vanæ ad primas quæ retulistis opes.  
Nec satis, hoc casu sperare pericula formæ.  
Cras aliqua impendens carpere noxa potest.

*Commendet teneras fugitiva juventa puellas:  
Si superant, animi dote probantur anus.*

### De Pierisin.

**D***E*gunt Pierides: ne corpora ficta putetis.  
Sic dixi in cœnâ, quam mihi Gisco dabat.  
Omnes mirati me vera referre negabant.

*Cras, ajo, mecum (si stat) inite nemus.  
Monstrabam picas: & erant tunc fortè novenæ.  
Factaq;, sed doctis & Tibi Gisco, fides.*

### In Orationem de Electis Rev. Dn. Chri-

*stophori Feierabendi.*

**T***E*rtius adscriptæ finit trieteridos annus,  
Quâ rem constitui Quæstor in Urbis agro.  
Sanctior extremis fruges mihi provenit horis.  
Publicitus fiunt rura diserta Deo.  
Ille est, qui patriis Electos adserit astris:  
Quem partem regni glorior esse mei.  
Edebant Mystæ, soli sed in Vrbe docentes.  
Hactenus elingves Vos tacuistis agri.  
Si mihi parva fides; seu gloria justa negatur;  
Tu mihi Te profer Feriabenda manus.

### In Epitaphium viri Nobilis I. I.

**H***O*spes, ita vita hæc vivitur;  
Ut, si putes, intelligas  
Vixisse nos quod vivimus.  
Adeo omne punctum in transitu,  
Et temporum voragine est.  
Eheu sub isto siderẽ  
Nihil esse, quod mortalium  
Studia reponat seculis!

*Ejus*



*Ejus colossus decidit,  
Et finis est miraculis.  
Sed est, quod ultra sustinet,  
In Patriam clara merita.*

**Ex Theocrit. Idyl. VIII.** Ω Λάμπυρε νέων

**S***icne jaces somno, canis. ó Lampure, profundo?  
Cum puero Tu pascis oves: sopor altus abesto.*

**Ex ejusd. Id. IX.** οἷε γὰρ ἔτυγ'

**N***Ec mihi tam somnus, subiti nec gratia Veris,  
Aut apibus flores, quam Vos venistis amicae.  
Pierides. Vos turba mihi gratissima Musæ.  
Nam si quem placido vidistis lumine Vatem,  
Huic non audebit miscere venefica Circe.*

**Ad filias.**

**M***plorant geminis hodie mea tecta catillis,  
Et curtâ infames amfitapete manûs.  
Vile instrumentum scutulas attriverat usus,  
In tapide exilis villus, & ipsa rudis.  
In lucro est, nata. Prestanda est cautio posthac,  
Ne pereat simili res pretiosa fide.*

**Ad Theodoram puellam.**

**N***e differ puerum, Theodora, sed annue votis.  
Sua vius ardenti Sole bibuntur aquæ.  
Nam quod ducis, idem est: sitienti in fonte repugnas.  
Nec Tu fons semper, nec sitis alter erit.*

**Ad liberos.**

**C***ondidimus teneræ, mea gens, præcepta juventæ:  
Nil juvat obnixos sera medela senes.*

*Adspice*

*Adspice, ut arboreos non firmo robore fœtus  
Flectat in oppositum provida cura latus.  
Adspice ut, in noxam cum se firmaverit ætas,  
Nulla sit à longis ars valitura moris.*

*Peritur.*

**P**osse negat dici Scholiastes Cæso Peritur.  
*Vnde ergò est. Cæso, quòd Reperitur habes?*

*Ad filias.*


**A**sere Tu nostros pariter Gotoliba libellos:  
*Nec fratrum officio sit Tua cura minor.  
Hoc caro debes simul Adelogunda parenti.  
Ac licèt obscurus sim Tibi, nostra fove.  
Vos natæq; olim dabitis voluenda maritis:  
Et suus interpretis cuiq; maritus erit.*

*Ad Gotofr. F.*

**C**um fugiam terras, & funus inane jacebo;  
*Da tumulo matris me, Gotofrede, Tua.  
Sepe illud dixi: cineres cave verrere nostros.  
Sit mihi, sit matri non temerata quies.  
Vidi ego, cum nuper defossus extruderet alter.  
Et quorsum in fano sunt monumenta virum?*

*Ad liberos.*

**P**arce meum, mea gens, fuco celebrare sepulcrum.  
*Rure sit è patrio, qui teget ossa, lapis.  
Artificum nugas cipposq; reliquimus altos  
Progressi calamo, quem movet aura levis.  
Ornentur manes: & sit qui vestiat auro:  
Sat mihi, quæ de me fama superstes erit.*





DE GALINDIS AC SUDINIS  
vetustissimis Borussiae incolis.

Ad Robertum Cruqviū virum Nobilissimū.


**N**osse Galindæas in nostrā Prusside gentes  
Vis dilectæ Cruqui : & qualis Sudina fuisset  
Natio , sollicitas Latio Tibi carmine pandam .  
Gallindas ( vox hæc Sudinis nota suisq;  
Antè fuit populis ) Latrones ore Latino  
Dixeris . Immenso cū crederet agmine vulgus ,  
Et jam Myrmidones contemti patribus essent ,  
In sua crudeles merferunt viscera ferrum .  
Ac ne fœcunda præberent ubera matres ,  
Ipsas immani truncârunt vulnere mammæ .  
Tum Vati , quas Vaidilodas ceu Fatiloquas gens  
Nominat à stirpe Ausoniâ , procumbere supplex  
Fœmineum genus , & solatia quærere rebus .  
Osa nefas , sexumq; humilem miserata sacerdos  
Omne ciet nomen , quod posset sumere bellum ,  
Finitimosq; jubet quâcumq; laceffere Reges .  
Mandat & imperio Superū deponere futa ,  
Peilag; : se certam palmæ , quia Numinis irent  
Auspicio . Positis ruere omnes ocyùs armis :  
Iam ferre atq; agere . Vt fama est vulgata per urbes ;  
Incumbunt armatæ acies , ceduntur inermes ,  
Visq; omnis sublata virū , desertaq; terra est .  
Terra patens latè , nullisq; habitata colonis ,  
Quam quos ipse sui genius profuderat agri .  
Vanum , hos Teutonicis motus intexere fastis ,  
Atq; in reginæ quondam Crucis edere rebus .  
Tunc ignorati nostro sub Sole Magistri  
Nec Solymæ dederant devotis nomina signis .

Caesaribus tunc summus honor, Dominosq; superbos  
 Iam non ingenio patrum Vrbs aeterna ferebat.  
 Mansit iners nomen, glebae sine gente remansit.  
 Quod facinus dederat (vetus atra nocte sepultum est)  
 Et Sudinorum cessit pars maxima praedae.  
 Hi simul antiquis regnum tenuere Galindis.  
 Ante deos terris genitos, mundiq; recentis  
 Secula, robustae gentes, nec cladibus ullis  
 Afflictae, ac tandem vix aequo Marte subactae.  
 Vos sceptri in partem Samios misistis amicos  
 Littore concesso. Iam tum Gothus impiger Austro  
 Coeperat esse gravis. Pridem donastis electrum  
 Teutoniae populis: misit Germania Gallis:  
 Venit ab Eridano Romanis gutta triumphis.  
 Ex quo Sudini vicino haesere Litae,  
 Vox quoq; confusa est. Latias didicere loquellas.  
 Et Grajos rapuere sonos. Si tempora mecum,  
 Resq; puto exactas, quid non miscebat Alanus  
 Orbe vagus Patriaq; redux? immota federes  
 Quamlibet, ac seneas ignota Sydinia Grajis.  
 Scilicet inde deos & sacra habuere Borussi.  
 Et pariter linguam. Numerum docuere Latini:  
 Ipsae arae sonuere Deum; Pecus arva Laresq;  
 Virs Vir ab Ausonio est: γένναν peperere γυναικας.  
 Tava Patrem appellant: Matrem dat Mutien: haecq;  
 Litvanâ an cultis manarunt nomina lingvis.  
 Μαλυνῶσαν Sobolem, Pumilum propè Sarmata vertat.  
 Hic quoq; Galindae tumulos communibus argens  
 Finibus, in notâ venit commercia linguae.  
 Quid si Tu μάλακός contendas esse Pelasgum?  
 Iampravam certè indigites cum Teutone Nimsam.  
 ἰδ Edere est, πῆτον Potare ab origine Graeca.





Kurpis Alanorum : veniunt ea vincula plantis.  
 Nî fortè Ausonium est: Crepidas exponeret Auson.,  
 Quales Mopsopix haut ignoravère puella.  
 Nec, si Carbatinis compenas, prorsus abirem.  
 Unds Vnda est: ἀνελπτε Adopertum à voce καλέπτε.  
 Si Paggun nescis, Pax est gratissima rerum.  
 Pax, de quâ nomen Videnutis Poggia duxit:  
 Cujus sunt nostris oracula reddita silvis.  
 Vidimus illius nuper frontalia divæ  
 Cornea, deformem medio claudencia gemmam.  
 Sed juvat in nudis studium consumere verbis.  
 Μηδ εἰκναι ἀσπὲν sonat ἡμεῖς ἄγιοι ἐσπέν  
 Cum Smunentin Homo Latium stat: cordaq; Vaikai  
 Serva notat: quos Morigeros decet esse Poclusmans.  
 Rancas Sarmaticum Manus est: Tu, Tebbe, Latinum.  
 As, Ego, discedit: quod avitum credimus esse.  
 Miscuerunt, lexesq; suas habitumq; dederunt  
 Inq; eadem duri sacra convenère Curones.  
 Deg; Gothis sumtum est: gentem dirimebat utramq;  
 Vistula: nec patriâ Gothus omnis abiverat orâ.  
 Propria sunt quædam, populog; affinia nulli.  
 Hoc Candens Sublime vocat mea Prussia Dangon.  
 Vox licèt hæc etiam Litalano cognita civi.  
 Burvalcan prisco reddunt idiomate Villam.  
 Ac memini, cum Tu transisses prædia Glandes,  
 Gerdavumq; nemus; Ditobaldum quærere natum.,  
 Nomina quid referant. Spes & Fiducia Glands est.  
 Namq; heic præsidium contra Mariana locabant  
 Arma lacessiti. Gerdant est Dicere Prussis.  
 Nempe Oratores nostræ pietatis agebant  
 Partibus his, populiq; coacta est concio fidi.  
 Quando erat hoc opera, violento cogere gentem.

Marte reluctantem Domino confidere rerum,  
 Obstiterant plures: pauci accessere volones,  
 Qui nemore obscuro Superis sua vota litarent  
 Nec civi infesto nec aperti patribus ipsis.  
 De Pronio est fundo, veteres dixisse Perónin.  
 Iuxta Protis ager: Pratin dixere priores.  
 Consilium hoc ipsum est, illud Commune vocabant.  
 Sæpe locum constat priscos celebrasse Borussos,  
 Et decerum cumulo Pronium fulsisse Samilen.  
 Contigit, ut dictâ ratione vocabula nostræ,  
 Gentis vicini transirent limitis aras,  
 Quodq; putes Curium, daret illud Prussiz mater.  
 Quid meus immundâ salientem postulet undam  
 Lector ab eluvie? voces periere virig,  
 Queis hoc defuerat, quod vos habuistis Athenæ.  
 Pauca mihi rudibus majorum cura tabellis  
 Posteritatis amans ab avorum morte reliquit.  
 Mitte Caledoniam Scriptor sine nomine silvam,  
 Et Britones memorare patres. Si fabula forsan  
 Ista fuit pueris narranda, hoc sine quiescat.  
 Excute primævos omni cum prole Britannos,  
 Atq; apices Druidum, qui cis mare transq; colebant,  
 Qua patet illius lingvæ communior usus;  
 Tum Prussos attende meos: differre loquetur  
 Hoc illudq; genus præsens discordia vocum.  
 Riphæâ qui gentis avos deducit ab Arcto,  
 Quâ Macedum subit ara ducis, subit æmula Iuli  
 Cæsaris, & rigidum intusant sola ferrea cælum,  
 Verius antiquæ relegit vestigia lingvæ.  
 Est aliquid, quod Stella micat: si non mea Parcæ  
 Stamina dissolvent, stat plenum immittere Solem.






























Biblioteka Jagiellońska

stdr0019523



